

Donostian, Diputaziñoan.

Maipuru: Etxaide jauna.

Euskaltzaiñak: Irigaray, Lekuona, Mitxelena, Villasante.

Euskaltzainordeak: Arrue ta Lojendio jaunak.

Oi den otoitzez asi da batzarra.

Etxaide jaunak Bilbotik, Emilio Campo jaunak bidalitako gutun bat irakurri du, Jaun au, Euskaltzaindian Bilbon dagoen mutillaren aita da. Pagatu bekio mutil oni eskupeko bat ango lana utzi dezan. Oleaga jaunaren eskuetan uzten da arazo au, onen iritziz erabaki dadin zer diru den bake justua lortuko duena.

Euskaltzaindiak antolatu zuen konkursora, "Galeria de Vascos ilustres" delakora lan bi bidali dira. "Amasei seme Euskalerriko" Jon Etxaidek prestatua ta "Euskaldun ospetsuak" Arantzazuko komentuko Fr. Victoriano Iñurritegi ta bere lankideak egiña. Euskaltzaindiaren iritziz lan auek eztituzte bete ezarri ziran baldintzak eta au dela ta konkurso au gabe deklaritzen da. Baiña meritudunak eta lan aundikoak direnez milla ta bosteun peseta bakoitzari ematea erabaki da, egin dutenaren ordaingarri.

Jon Garmendia jaunaren karta bat irakurri da. Lengo batzarrerera, Donostiako Diputaziñoan egindako itzaldi bat bidali zuen, argitaratzeko erabakia ar zezan Euskaltzaindiak, bere kontura egingo zen arren. Zer ipiniko duen azalean eskatzen du. Ezar beza au: Conferencia pronunciada en San Sebastian por don Jon Garmendia el día... en el ciclo organizado por la Academia de la Lengua Vasca y el Seminario de Filologia Vasca Julio de Urquijo.

**Euskera** urrengo argitaratzeari buruz. Bildu bitza Irigoyen jaunak lan guztiak eta prest eramán urrengo batzarrerera nola argitaratu erabakiteko.

Irigoyen jaunak lan bat irakurri du "Diccionario Vasco Español Frances"eri buruz. Iztegi ori berriro argitaratzea bear bearrezkoa da Euskaltzain guztien iritziz. Bere lanean Irigoyen jaunak au diño laburki:

"Kendu prantzesa liburuaren tipitzeko ta merkatzeko ta iztegi ortaz egin diren lan oroz ornitu.

Ortarako urrengo **Euskeran** azaldu bear litzake liburu onen argitaratzeko asmoa ta eskatu euskalzale orori dituzten oar eta eraskin guztiak, bialtzen dutena gutxi izan arren, Euskaltzaindiak onesten baditu errebistan argitaratzeko asmoz eta onela iztegi berria aberasturik argitaratu."

Egin bitzate Euskaltzaiñak oni buru aal diren lan eta oarrak, denak aurrean direla erabaki bat artzeko.

Aita Villasantek oar batzuk irakurri ditu Aita Oyeregui"k bidali zuen lanari buruz "Vocabulario Popular Religioso". Lan au apaizentzat beren zeregiñetarako baliotsua da, akats batzuek zuzendu ezker. Euskaltzaindiak eztu au argitaratzeko asmorik. Apaizek egingo balute begi onez ikusiko luke. Mitxelena jaunaren eskuetan gelditzen da au.

André Tournier eta Pierre Lafitte jaunek egindako *Lexique Français-basque* liburuaren bost ale erosi bitez argitaratzailleari laguntzeko.

Egin bedi Irigoyen jaunak Euskaltzaindiaren presupuesto bat eta Etxaide jaunari igorri.

Araba aldetik Euskaltzaindiak eztu subenziñorik. Etxaide jaunak egin bitza alegiñak Apraiz jaunaren bidez.

Otoitzez bukatu da batzarra.